

詩

源

辨

體

詩源辯體後集纂要卷之一

江陰許學夷伯清 著

館甥陳所學君俞 梓

予作詩源辯體先論次三百篇至五季爲前集。業既有成。乃復采宋元國朝爲後集。然漢魏六朝唐人。以世次定其盛衰。而宋元國朝則否者。蓋漢魏六朝唐人。之變順乎風氣之自然。故可以世次定其盛衰。宋人多學元和。元人多學中晚。國朝人漢魏六朝。初盛中晚。各隨其意而學。故未可以世次定盛衰也。蓋詩至晚唐。其衆體既具。流變已極。學者無容更變。但各隨其質性。

而倣之耳。李本寧云。漢魏六朝。遞變其體。爲唐而唐體迄于今。自如譬之水。三百篇崑崙也。漢魏六朝龍門積石也。唐則溟渤尾閭矣。將何所取益乎。但漢魏六朝既有詩紀。而唐人詩藏者亦多。故其業易成。宋元詩藏者既少。而國朝詩汗漫尤甚。亦姑求其姓氏顯著有關一代者。凡三十餘載。僅得若干人。而簡帙已浮於前集。蓋作者篇什自繁。不容不多耳。後有同志者。倘能增益。當另爲一集。庶各見其功。決不當混入以相雜亂也。

此集

原小論二百六十餘則。不能盡刻。恐身後散失。今先采其要爲二卷。附前集後。

胡元瑞云。詩之筋骨猶木之根幹也。肌肉猶枝葉也。色澤

神韻猶花蕊也。觔骨立於中。肌肉色澤榮於外。神韻充溢其間。而後詩之美善備。猶木之根幹蒼然。枝葉蔚然。花蕊爛然。而後木之生意完。斯義也。盛唐諸子庶幾近之。宋人專用意而廢詞。若枯枿槁梧。雖根幹屈盤而絕無暢茂之象。元人專務華而離實。若落花墜蕊。雖紅紫嫣爛而大都衰謝之風。又云。宋人調甚駁。而才具縱橫浩瀚過於元。元人調頗純。而才具局促卑陬劣於宋。然宋之遠於詩者。材累之。元之近於詩者。亦材使之也。故蹈元之轍。不失爲小乘。入宋之門。多流於外道矣。愚按。元瑞此論妙甚。但言宋人用意。當言宋人尚格爲妥。宋人

雖用意而意不可言。觔骨也。又元人律詩亦多出於中。晚正派。今言元人專務華而離實云云。或未見諸家全集。姑以理勢斷之耳。俟諸公全集出。更爲定論。以下四則宋元

總論

宋人五七言古。出於退之樂天者爲多。其構設奇巧。快心露骨。實爲大變。而高才之士每多好之者。蓋以其縱恣變幻。機趣靈活。得以肆意自騁耳。七言律若梅聖俞王介甫黃魯直陳無已諸人所錄而外。多生澀怪僻。實出晚唐惡道。後世中才之士。於宋人諸體讀其律。知其爲惡。讀其古。又茫無所得。往往謂宋人皆不足觀。宜矣。嚴

滄浪云。近代諸公作奇特解會。遂以文字爲詩。以才學爲詩。以議論爲詩。未豈不工。終非古人之詩也。此論最爲公平。庶幾有兼識者。

與前集元和詩首數則參看

胡元瑞云。宋人近體勝歌行。歌行勝古詩。至風雅樂誼。幾於中絕。又云。律詩猶如有杜。愚按。謂風雅樂誼。幾於中絕。甚當。謂近體勝歌行。歌行勝古詩。則謬甚矣。宋人古詩。歌行。多出於退之。樂天。體雖大變。而功力恒有過之。律詩雖多出子美。然得其粗。而遺其精。明於變。而昧於正。故非枯槁拙澀。則鄙朴淺稚。如杜之沉雄含蓄。渾厚悲壯者。有一語乎。徒原其所自出。而不究其所從歸。則

岑樓寸木矣。張文石云：「衰周無頌，漢無雅，晉無四言，唐無選，宋無律，斯並得之。」

宋主變，不主正。古詩歌行，滑稽議論，是其所長。其變幻無窮，凌跨一代，正在於此。或欲以論唐詩者論宋，正猶求中庸之言於釋老，未可與語釋老也。

林君復

名通

集中

古詩僅見一二

五言律

雖出晚唐，而韻致

音調可取。亦少斧鑿痕。七言律多晚唐刻削之語。七言

絕可次

五言律

以下各人采其要語尚缺數家容補

宋初譚用之、胡宿、林逋及九僧之徒，五七言律絕尚多唐

調。而楊大年、錢希聖等又學李義山號西昆體，人多皆

其僻澀然自林逋而外俱無全集至梅聖俞

名堯臣

才力

稍強始欲自立門戶故多創爲奇變宋人好奇者大都

出此劉後村云本朝詩惟宛陵

聖俞宛陵人

爲開山祖師

是也

聖俞詩六十卷五言古最多歐陽公詩話云聖俞子美齊

名一時而二家詩體特異子美筆力豪俊以超邁橫絕

爲奇聖俞覃思精微以深遠閑淡爲意各極其長雖善

論者不能優劣余嘗有詩畧道其一二云子美氣方雄

萬竅號一噫有時肆顛狂醉墨洒霧霏譬如千里馬已

發不可殺盈前盡珠璣一一難揀汰梅翁事清切石齒

漱寒瀨作詩三十年視我猶後輩文詞愈清新心意難

老大譬如妖嬈女。老自有餘態。近詩尤苦硬。咀嚼有難
噉。初如食橄欖。真味久愈在。蘇豪以氣勝。舉世徒驚駭。
梅窮獨我知。古貨今難賣。愚按聖俞五言律前十餘卷。
格頗近正。入錄爲多。五言古短篇及仄韻。尚有可采。其
他恣爲奇變。長篇平韻體。旣支離。意復淺近。十卷以後。
雖有可觀。而晦僻怪惡鄙俗者甚多。歐公所稱賞。正以
五言律。五言古短篇。及仄韻諸作也。

歐陽公詩以聖俞比東野。實非其倫。蓋聖俞長篇醜怪者。
歐實不取。而但取其古律短篇。故以退之自喻。以東野
比聖俞耳。

見永叔讀聖
俞蟠桃詩

其撰聖俞墓誌云。初喜爲清麗

閑肆平淡。久則涵演深遠。間亦琢剥以出怪巧。然氣完
力餘。益老以勁。其應於人者多。故辭非一體。數語亦有斟酌
歐陽公作聖俞墓誌云。間亦剥琢以出怪巧。此言似而未
安。按怪不可言巧。巧不可言怪。以怪爲巧。此魯直所以
代興也。

聖俞五言律入錄者較諸體爲多。如玉燭陪祠日。城下漢
江流。千里向巴東。郊生方得桂。跨馬獨歸日。等篇體實
爲正。他如霜落能升樹。林空鹿飲溪。川濤觀海若。霜
磬入江濱。蛟龍驚鼓角。雲霧濕衣裘。地蒸蠻雨接。
山潤海雲交。破案殘經卷。新墳出樹根。駝鳴沙水。

凍鵬擊雪雲低。漢驛凌雲去。胡人踏雪牽素斗折來。

沙蒲相高接草蟲。燕獨鳥去煙外。斜陽明樹頭。山長

羸馬困月黑。怪禽啼。等句。古淡有味。如大將中流矢

殘兵空負戈。提兵無百騎。偷路執生羌。廢城無馬

入。破塚有狐藏。推枕感孤鴈。抽琴彈壞陵。帶月入

渦尾。落帆防石根。白水照茅屋。清風生稻花。鴈落

葑田闊。船過菱渚秋。寒屋猛添響。濕窓愁打窰。雨半

滅竹林。火數聞茅屋雞。古寺入深樹。野泉鳴暗渠。

等句。更爲苦硬。歐公所推。正在古淡與苦硬耳。故聖俞

五言律。不特爲諸體第一。亦當爲宋人第一也。

聖俞詩云。我於詩言豈徒爾。因事激諷成小篇。辭雖淺陋頗尅苦。未到二雅未忍捐。故其詩雖多奇變而諷勸多歸於正。劉後村云。宛陵出而後桑濮之哇淫稍息。風雅之氣脉復續。此正宋人議論。然以晦僻爲二雅。旣大失之以怪惡鄙俗爲二雅。則背戾滋甚矣。

聖俞詩云。欲探文字工。下筆語多礙。又云。苦辭未圓熟。刺口劇菱芡。故其諸體艱澀晦僻。讀之使人悶絕。五七言古體製音調。十不得一。從古未有此門戶。其答正仲詩云。作文持與人。百不得一領。果爾。又安可謂世無知耶。音聖俞怪惡實爲魯直先倡。乃是變中之變。其答歐陽公寄

書詩云。新詩不作寄。乃見子所慎。向來能如今。豈得有
觀釁。此正猶魯直譏子瞻詩句不逮古人也。咄咄怪事。
實所未喻。

聖俞魯直之詩。俱屬怪變。而魯直詩元美。元瑞論嘗及之。
惟聖俞獨無指摘者。蓋聖俞篇什倍於魯直。人多不能
盡觀。故余特詳言之。

或疑聖俞魯直怪僻句。采入辯體過多。恐讀者易厭。愚謂
二家之詩。前賢多未發明。其全集人未肯竟讀怪僻者。
全篇既不可編入。而摘句又不容多。則人終不能知宋
人之極變也。

元美元瑞論詩於正者雖有所得於變者則不能知袁中郎於正者雖不能知於變者實有所得中郎云至李杜而詩道始大韓柳元白歐詩之聖也蘇詩之神也以李杜柳與四家並言固不識正變之體以韓白歐爲聖蘇爲神則得變體之實矣

與前集元和論第三則參看

試以五言古

論之韓白歐蘇雖各極其至而才質不同韓才質本勝歐但以全集觀則韓太蒼莽歐入錄較多而警絕稍遜然不免步武退之白雖能自立門戶然視其全集則體多冗漫而氣亦孱弱矣至於蘇則才質備美造詣兼至故奔放處有收斂傾倒處有含蓄蓋三子本無造詣而

蘇則實有造詣也。總四家而論，蘇爲上，韓次之，白次之，歐又次之。而元不足取。宋人首稱蘇黃，黃諸體恣意怪僻，遂爲變中之變。元美謂其愈巧愈拙，愈新愈陳，愈近愈遠。又云：魯直不足小乘，直是外道。已墮傍生趣中，是也。然黃竟爲江西詩派之祖，流毒終於宋世。中郎直舉歐蘇而置黃勿論，可爲宋代功臣。

歐陽永叔

名脩

古詩中郎謂滔滔莽莽有若江河是也。東坡

云：歐陽子詩賦似李白。此以諸體近唐調者言之。

呂居仁云：東坡

蘇軾字瞻

長句波瀾浩大，變化不測，如作雜

劇打猛顚入，却作打猛顚出。西清詩話云：東坡天才宏

放。凡古人所不到處。發明殆盡。萬斛源泉。未爲過也。按韓白歐蘇俱以才力相勝。而韓蘇五言古尤能盡變元美乃云。讀子瞻詩。見學矣。然似絕無才者。此不可曉。疑有誤字。

張芸叟云。子瞻詩如武庫乍開。矛戟森然。不覺令人神機。子細檢點。不無利鈍。愚按子瞻五七言古。一牽於次韻。再傷於應酬。險韻有往復四五者。安得不扭捏牽率也。或謂讀太白長篇。如無韻者。蓋一本乎自然耳。

子瞻和陶詩。篇篇次韻。既甚牽繫。又境界各別。旨趣亦異。如和歸園田。乃以游白水山至荔枝浦當之。其境趣判

言詩後集 卷之一
不相合。安在其爲和陶也。其他率多類此。又如擬古雜詩等作。用事殆無虛句。去陶益遠。

子瞻在黃州。揚州有和陶詩。絕不相肖。晚年在惠州和陶。稍有類者。

子瞻七言絕。風調多有可觀。氣格亦勝永叔。自是宋人傑作。

劉後村云。歐公詩。如韓昌黎不當以詩論。西清云。坡詩如方朔極諫。時雜滑稽。罕逢醞藉。此論皆正。然可以論唐而非所以論宋也。袁中郎云。詩至歐蘇。滔滔漭漭。有若江河。此又不分正變。故凡歐蘇之詩。美而知其病病而

知其美方是法眼。

方虛谷云。洪覺範妄誕著其兄淵才之說。以爲子固曾不

能詩。學者不察。隨聲附和。子固詩一掃崑體。所謂闢

刻畫。咸無之也。

已上八句皆虛谷語

子固七言律。唐調雖有高下。較諸家爲正。宜宋人謂不能

詩也。

王介甫

名安右

五七言古有正。有變。才力可次歐蘇。而工巧

弗逮。又恃才信筆。故多蒼莽不純。

宋人七言律。雖着意變唐。然亦有自得之趣。惟介甫大多

晚唐僻調。而惡句復多。又用事無虛句。可謂事障以全

集觀乃見陳后山謂荆公暮年詩益工正是愈趨愈遠耳。唐子西謂荆公得子美句法正未識子美也。

黃魯直

名庭堅

諸體生澀拗僻深晦底滯者悉出聖俞宋人

皆謂歐公以文爲詩坡公罕逢醞藉此論誠當然於魯直則反稱美之豈以歐蘇爲變魯直爲**正**耶甚矣宋人之愈惑也陳無已謂魯直過於用奇不若杜之遇物而奇愚謂太白之窈冥恍惚子美之突兀崢嶸乃古今至奇魯直不能彷彿一二徒欲以一字一句取異於人卽使果爲奇句亦是小道况若是乎

唐王建杜牧陸龜蒙皮日休雖多怪惡然止**七言律一體**

聖俞魯直則諸體皆然。乃是千古詩道之厄。魯直詩云。隨人作詩終後人。又云。文直切忌隨人後。蓋其意本乃爾。宜其衆醜畢集也。當時子瞻偶於孫李二家見其所作。稱之。其上子瞻二首。又其最正者。一時好奇之士。遂以子瞻之言同聲相和。其所稱說皆夢寐語。予嘗惡李長吉牛鬼蛇神。至讀魯直詩。反覺長吉韻調不乏也。南渡江西諸子。翕然推重。別爲一派。良可深恨。

胡元瑞云。宋黃陳首倡杜學。然黃律詩。徒得杜聲調之偏者。至古選歌行。絕與杜不類。晦澀枯槁。刻意爲奇。而不能奇。而一代尊之無上。又云。宋諸子以險瘦生澀爲杜。

此一代認題差處。予欲改險瘦二字爲艱深。更爲妥帖。張文潛云。聲律作詩。其末流也。自唐至今。詩人謹守之。獨黃魯直一掃去。古今聲律。此語顛倒殊甚。然實爲魯直一生罪按。

陳無已

名師道

詩學魯直。魯直詩云。閉門覓句。陳無已對客

揮毫。秦少游無已平時出遊。覺有詩思。便急歸。擁被卧而思之。呻吟如病者。或累日而後起。其諸體怪僻。少於魯直。而深晦過之。王懋學序云。是集無別本。訛字頗多。是深晦本其痼疾。而復兼以訛字爲累。讀者以意斷之可也。

覺直五七言古意在收斂而時涉放逸無已才力不逮魯直故收斂多而放逸少。

李獻吉云黃陳師法杜甫今其詩傳者不香色流動如入神廟坐土木骸卽冠服人等謂之人可乎愚按魯直五言律惟王文恭公輓詞二首畧得杜意餘皆僻調去杜絕遠陳之勝黃實在五言律也。

方虛谷云乾淳間詩巨擘稱尤楊范陸。

尤袤字延之號道初淳熙中與誠齋

同青宮僚案

楊萬里字延秀號誠齋劉後村詩云派

裡人人有集開竟師山谷友誠齋則誠齋學山谷也

范成大字至能號石湖

陸游字務觀號放翁南渡後

詩至萬篇予先有古本渭南集四十五卷至五十二卷

陸文圭云渡江初誠齋於翁後村號三大家虛谷又云

乾淳以來。尤楊范陸爲四大家。自是始降而爲江湖之詩。葉水心以文爲一時宗。永嘉四靈從其說。改學晚唐。宗賈島。姚合。凡島合同時漸染者。皆陰擷取摘用。驟名於時。而學之者。不能有所加。日益下矣。名曰厭傍江西。離落而盛唐一步不能進。天下皆知四靈之爲晚唐。而鉅公亦或學之。翁卷字續古一字靈舒。徐機字文淵。一字致中號靈淵。徐照字道暉號靈暉。趙師秀字紫芝號靈秀。四人或字或號。皆有靈字。故曰四靈。或問四靈較江西諸子何如。曰。四靈江西俱未見全集。然四靈宗島合。雖晚唐猶有可觀。江西宗山谷。山谷宗子美。所謂**正變**兩失。選宋者亦然。皆挾天子以令諸侯也。

時又有戴石屏。亦江湖詩人。

戴復古字式之號石屏嚴滄浪有送戴式之詩聞

武進庠生項永貞有宋詩一百本。意諸家皆全。求借不與。後集不成。始此。

朱元晦

名熹

五言古最工。宋人

五言古

歐蘇門戶雖大。然悉

成大變。

國朝諸公則

選體

稍近而

唐體

實疎。元晦五

言古

初年嘗擬十九首。既而悉學應物。又既而學子昂。

又既而學子美。音節步驟。十不失一。實在我。明諸家

之上。元瑞稱其製作頗遡根源。是也。元晦嘗言其後生

見人做得詩好。銳意要學。遂將淵明詩平仄用字。一一

依他做到。一月後方得作詩之法。蓋元晦本學淵明。然

未易彷彿。故其沖淡者。遂爲應物。宏大者。卽成子美也。人知陶韋爲一源。不知子美音調。實與陶爲一源也。

元晦楚辭有虞帝廟迎神送神二歌。直逼屈原九歌。元晦嘗註楚辭。蓋有所得也。嘗言余素不能作唐律和韻。尤非所長。年來追逐。殊覺牽強。其自知乃爾。

劉潛夫

名克莊
號後村

古詩

非所專工。故亦不甚墮落。律詩工者

多爲峭拔拙者入於鄙俗爾

潛夫七言律多晚唐俊亮之調。其他清新峭拔。乃晚唐五代遺響。而益工耳。其自勉詩云。苦吟不脫晚唐詩。其自知乃爾。又多奇拗鄙俗之語。其法皆本於王建。又其中

有艱晦者。不讀下句。未曉上句之義。其詩云。莫求鄰媪。

誦姑付後儒箋。其本意乃爾。

文圭稱爲大家正猶宋人稱樂天爲廣大教化主也。

宋人之詩大都出於元和。非但初盛唐之音絕響。卽中晚

之調亦不多得。惟嚴儀卿

名羽號滄浪。

諸體悉出。

騷選盛唐

但未能自然耳。楚辭雲山操最佳。樂府歌行多出太白。

儀卿識見有餘。涵養未至。故其諸體雖刻意範古。寡自然

之致。而神韻亦有未揚。故五言律讓昌穀。七言律讓仲

默。七言絕讓于鱗。元瑞乃謂滄浪亟稱盛唐。而調仍中

晚。元瑞初未識盛唐也。

謝皋羽

名翺

諸體率多詭幻。

五言古匠心自然。要亦宋人奇

變亦自足成家。七言古學長吉而詭幻過之。他有終篇不可解者。胡元瑞云。李長吉宋末謝皋羽得其遺意。元人一代尸祝至。國初尚有效者。

鄧牧作皋羽傳云。翱與牧友。牧曰。古人著述謂當出曾臆自成一家。君必欲中古人繩墨乃已。所見不合。日夜論辯相詆。因聽牧訪杭文士若干人云云。今皋羽詩極詭幻。豈皋羽本中繩墨。反以牧累之耶。抑牧以其有類繆襲韋昭。李賀賈島。反以爲中繩墨耶。

元裕之

名好問

才力

少遜宋人而怪惡鄙俗處則無然不完

純者多中亦有晦僻語。五言古入錄者實爲明爽而七

言頗見才情爲元人國初諸子先倡但古詩及律多用舊句又兼用時事則前人所無至五七言古入聲借用則自予美已然。

國朝詩李獻吉何仲默最正而二子之名又盛然李變體止七言古長吉體一篇何變體止七言律回文一篇正猶釋迦文與外道角耳其他或失之蒼莽孱弱而未有入變者裕之廉夫雖文備衆體而變多於正亦其才累之也然廉夫雖變體必彷彿其人裕之語雖平易而體則從心所欲矣

裕之律詩五言盡洗宋習稍復唐調七言律晦僻處

多學昆體

裕之七言絕論詩三十首其論甚正又七言絕極駁東坡而五七言古多學東坡七言絕極駁崑體而七言律多學崑體則又不可知

趙子昂

名孟頫

松雪齋集

諸體

僅二百二十六首雖疎淺而

寡僻調入錄者五言古七言律五言絕爲勝而五言律

最劣戴表元序云最後見於杭始大出其平生之作曰

松雪齋詩文若干卷屬予評胡元瑞詩數言歌行全篇

可觀者子昂桃源春曉圖五言律可摘者子昂雲端雙

鳥冷花底一琴閒七言律全篇整麗首尾勻和者子昂

萬歲山七言絕妙境溪頭月色一篇今皆不見本集則

其集似不止此或疑選本又非

子昂五言古雖學漢魏七言律雖學杜而全集遠遜諸家實以精力盡於書畫無專功琢磨故也

薩天錫五七言古正體雖多才力斷不及裕之五七言律亦無僻調

楊廉夫

名維禎號鐵崖

古樂府十卷中五七言古五七言絕計四

百十二首門人吳復所編復卒於至正八年而序則六年作蓋廉夫五十以前作也槩以古樂府名之非復古詩六卷計一百二十五首門人章琬所編中六十一首與前同吳復序云先生在會稽時日課一詩晚年讀之

忽自笑曰。此豈有詩哉。亟呼童焚之不遺一篇。今所存者。皆先生在錢塘太湖洞庭間所得云。十卷後跋云。不見。姓先生晚年所著。有補遺遺稿後集家傳人誦散逸未暇哀集。予按廉夫詩本欲備眾體。然變多於正。亦其才累之耳。元人詩惟廉夫才力足繼歐蘇諸子。

吳復序云。詩先性情而後體格。嘗承教曰。認詩如認人。人之認聲與貌。易也。認性難也。認神又難也。予謂國風體製既定。故專論性情。卽所謂認性認神也。學漢魏而下。不先體製而先性情。所以去古日遠耳。然第一卷及餘數十篇。性情猶正。餘則因題詠事。又未可言性情也。其

續齋自序云。陶元亮賦閒情。出誓御之辭。不害其爲處士節。余賦韓偓續齋。亦作娟麗語。又何損吾鐵石心也。法雲道人勸魯直勿作艷歌小辭。魯直曰。空中語耳。不致坐此墮落惡道。余於續齋亦曰。空中語耳。不料爲萬口播傳。兵火後。龍洲生章尚能口記。又付之市肆。梓而行之。因書此以識吾過。時道林法師在座。余合十曰。若墮惡道。請師懺悔。觀此則淫艷者雖焚而終自悔。蓋其性本然耳。

廉夫樂府五言。韓厥戮趙僕等。遂入議論。人言李賓之樂府爲史斷。不知廉夫已先之矣。

元稱虞楊范揭

虞集字伯生予先有伯生學古錄二本卷之三至卷之四卷之二十七至卷之三十

楊載字仲弘 范梈字

德機

揭傒斯字曼碩

待諸集出定論

七言律

宋人如歐陽永叔山形酷似龍門秀江色不如伊

水清

路高黃鵠飛不到花發杜鵑啼更多清川萬

古流不盡白鳥雙飛意自閒青春固非老者事白日

自爲閑人長蘇子瞻露布朝馳王關塞捷書夜到甘

泉官平淮忽迷天遠近青山久與船低昂壽州已見

白石塔短棹未轉黃茅岡日高山蟬抱葉響人靜翠

羽穿林飛王介甫病身最覺風露早歸夢不知山水

長黃魯直心如汝水春波動興與并門夜月高山

銜斗柄三星沒雪共月明千里寒 小雨藏山客坐久
長江接天帆到遲 宋人以爲警語元人亦有習之者
如元裕之長虹下飲海欲竭老鴈呌羣秋更哀 石林
萬古不知暑茅屋四山惟有雲 薩天錫鴈聲墮地夢
回枕月色滿城人搗衣 寒砧萬戶月如水塞鴈一聲
霜滿天 等句然每家不過二三聯耳實非諸子本相
也

詩源辯體後集纂要卷之二

江陰許學夷伯清 著

國朝人詩。五言古律。五七言絕。斷不能及唐人。惟歌行與
七言律爲勝。五言古。李杜之所向如意。韋柳之蕭散冲
淡。各極其至。國朝人既不能學。卽韓白東野變體。亦
未有能學之者。五言律。五七言絕。入錄者。誠足配唐。而
全集則甚相遠。若歌行。李杜雖極變化奇偉。而繼之者
絕響。高岑李頎。僅稱正宗。至國朝諸名家。則甞勉強
致其入錄者。往往逼李杜而軼高岑。與前集盛唐總論第三則參看七
言律。盛唐文質雖備。而完善者無幾。大曆以下。氣格頓

衰。國朝仲默而後偏工獨至。往往有過盛唐者矣。以下

四則 國朝總論

或問 國朝諸名家之詩入錄者誠足與初盛唐相匹而篇什又過之豈功力有過於唐耶。予曰不然。國朝諸名家篇什常十數倍於唐。其入錄者不容不多。然初盛唐名家入錄者固雋而不入錄者亦唐詩也。國朝諸名家入錄者誠足配唐。然以全集觀不失之蒼莽則失之率易。不失之支離則失之淺稚。欲望中晚名家有弗及也。况初盛乎。故予論古人詩。卽予所錄有足證者。論國朝詩。非全集不足以爲證也。此雖極盛有不能繼。要

亦功力大半盡於舉業耳。

或問先輩論詩多稱其所長謹其所短如永叔之於聖俞子瞻之於魯直是也。今子於國朝諸名家必欲長短盡見無乃太傷刻乎。曰此編以開導後學爲主不直則道不見。國朝諸名家全集方盛行於世後生貴耳賤目畧無真見其於諸名家長處旣不能知短處能知而不敢自信。嗚呼憤憤莫知適從。故每每置之高閣。此編論其所短不免獲罪諸家。錄其所長實足爲諸家功臣也。至其中字句間有點竄又不能無益諸家。但不可使淺陋者聞之。又不可使庸妄者倣之也。

國朝先輩取法初盛。然視其全集。往往玷缺。多不足觀。後輩近於中晚。而反多完善。蓋先輩才力寬洪。不事修飾。卽不無玷缺。而有傑作可觀。後輩資性明敏。更假琢磨。雖較多完善。而無大篇可取。蓋亦理勢之自然耳。卽古人得名。而所稱傳者。不過數篇。嘗見華子潛巖居稿。王子裕詩稿。陸無從大雅堂稿。已上俱於友人家一見俱完善可錄。而華陸則出於大曆。乃知國朝諸名公。有其實而姓氏不甚顯著。無關於一代者。實多也。

國初詩首稱高楊張徐。

都玄敬云四公皆吳產故得並稱張徐皆各省人喬居於吳

胡

元瑞云。季廸下。便應及楊張徐二子遠矣。愚按季廸才

情特勝五言古唐體可二十篇直逼李杜。國朝李何而下所無歌行多出青蓮而才力豪邁當爲稱首無疑。楊五七言古每多任情張五言古六朝唐人體無不具而學杜者爲優歌行步驟既超才力亦稱實在季迪之亞乃知後人未覩諸家全集斷不可輕立議論也。

高季迪名啓詩初有吹臺集正鳴集鳳臺集後自刪改彙次爲一總名曰正鳴集僅三百餘首今有高太史大全集凡二千餘篇極其冗濫乃正統間徐庸所廣也。

國朝詩人敦古昉於季迪匠心始於孟載然季迪五言古長於唐體疎於漢魏

季迪歌行豪蕩俊逸多出青蓮。嬌雌子黃大癡稍近於變。
王敬美云。季迪才情有餘。使生弘正。李何間絕塵破的。
未知鹿死誰手。元美謂歌行之有獻吉。其猶龍乎。仲默
于鱗其鱗鳳乎。愚謂鱗鳳之喻當歸季迪。

胡元瑞云。高太史昭代初雅堪締襪。而弘正諸賢揚摧
殊不及之。至兩瑯琊。元美敬美咸極表章。衆論遂定。愚按弘

正諸賢揚摧不及。則以元習未去故。樂府律詩是也。兩
瑯琊咸極表章。則以才具瀾翻故。五七言古是也。

季迪五七言古才具瀾翻風骨穎利。故含蓄深沉者少。而
字句亦有未妥。蓋其氣豪不能精思故耳。王華川序言

之最切。至其才情所到。則絢爛溢目。

李迪七言律。如鳴蹕聲中。落日登高。秦金不厭。新烟着柳。重臣分陝。少年恥着。風卷雙旌。足爲國初正始。然前四首。盛唐遺響。後三首。亦晚唐俊調。餘悉爲中晚矣。七言絕率皆晚唐。

楊孟載名基五七言律絕。悉入晚唐。而七言律較工。後人遂以爲出張上誤也。

國朝古律之詩。爲艷語者。自孟載始。然情勝而格卑。遠出溫李之下。元美謂其情至之語。風雅掃地。予謂果爾。則溫李諸子。宜盡黜矣。豈詩家恒論哉。

張來儀

名羽

五言古靡所不有。

而學杜者爲優。

歌行完美者在。

伯溫之上。五七言律悉入中晚。其爲中唐者。淘洗頗工。

然與古詩歌行如出二手。七言絕太逼晚唐。

劉伯溫

名基

全集蒼莽不純然。

國朝爲

四言騷賦

古選

樂

府者。俱自伯溫始。胡元瑞云。劉青田

伯溫青田人

旅興等作。

有魏晉風。足爲

國朝

選體前驅。

歌行

入錄者。

杳冥恍

惚。最爲得體。宏大處更勝來儀。惜小有玷缺。又結語時

涉餒弱。

五七言律

入錄者。

雖不甚工。

而氣亦不薄。

餘悉

爲宋人。

而鹵莽過之。

王元美云。

明興大約立赤幟者

爲宋人。而鹵莽過之。王元美云。

明興

大約立

赤幟者

二家而已。才情之美。無過李迪。聲氣之雄。次及伯溫。當

時孟載景文子高輩實爲之羽翼

袁景文

名凱

七言律悉學子美而不成語者幾半然僅得杜

之駘蕩至白燕荷花鏡中梅則晚唐格也白燕最工當時號爲袁白燕云五七言絕多非本相

何仲默云取我朝諸名家集讀之弗多得得而讀之者

又皆不稱意獨海叟詩爲長

景文號海叟

叟歌行近體法杜

甫古作不盡是爲

國初詩人之冠

已上仲默語

李獻吉云

叟師法子美時有出入集中白燕詩最下最傳諸高者

顧不傳雲間故吳地叟亦不與四傑列皆不可曉仲默

謂國初詩人叟爲冠

已上獻吉語

詳二公之意其所推重

者在歌行近體耳。愚按景文五七言律玷缺者甚多。七言入錄者。僅得杜之駘蕩。而警絕處絕少。歌行僅能學杜短篇。而長篇較高。張伯溫相去甚遠。槩謂其爲國初詩人之冠。亦矯往之過。胡元瑞云。仲默於國初推袁海叟。其詩氣骨出高楊上。才情大不極也。已上元瑞語元瑞不爲李何所惑。可爲卓識。至白燕一詩。美見伯溫論中格雖晚唐。在詠物亦有可取。如獻吉詠物實多。而不成語者過半。五穀不熟。斷不如荑稗也。

楊東里

名士奇

前集諸體共五百七十七首。續集諸體共一

千四百二十首。東里卒於正統八年。年八十。前集有楊

江陵序乃正統元年所撰是時東里已七十三則續集之多乃其子導并收前集所遺而刻之故應酬者十居六七前集五言古漢魏最長而唐體短篇亦勝續集則唐體長篇多有可觀國朝五言古漢魏唐體兼善者僅東里一人七言古前集寡鴻鉅之製續集入錄者較勝五七言律前集實多佳篇續集可采者甚少七言僅得百中二三

宣廟尚文五言古大多古體東里五言古多法漢魏正是風化所及獻吉送昌穀詩云偉哉東里廊廟珍是也但較于鱗稍爲淺易又不免多用古句律詩較楊張諸子

始漸入闊大。但以全集觀。氣格不甚高耳。

王行儉

名直

諸體共二千六百三十首。然應酬倉卒者多。故

字句時有未妥。

五言古

漢魏體甚少。然較東里實能稍

變。唐體

全集實多膚淺。入錄者頗亦稱工。然不及東里

之大。

七言古

惜少變化。中數篇才力實勝東里。

行儉

五七言律

全集實多淺近。然

五言

入錄者冠冕典雅。

大變

國初之習。

餘亦

唐調。

七言律

凡一千一百二十一

首。入錄者僅三十之一。可次五言。其他題詠亦頗稱工。

聲響色澤與五言俱勝。東里前人俱不稱述。未曉。

沈啓南

名周

古律

絕句

七言

爲勝。成弘間多尚宋體。入錄者

僅啓南一人啓南律深晦者未可爲法專詣者或掩宋人至李何一變遂爲初盛正音其傳誦者恐出於僞未敢入錄。

啓南五七言古全以意見爲主語雖精快然不及宋人之大七言夏圭山水題画卷則宛出東坡。

啓南七言律如馬上黃沙少年儒將天連湘漢落日荒荒等篇體亦爲正如得喪有塵齊後滅是非無種辯時生老盡鬚顏畧相似記來年紀久應訛青山一杖付歸客玉洞千花留故人特抱琴來僧已出欲因山竚鶴先行高歌激物鳥忽語樂事會心人不爭藥如

效世黃金賤。年莫瞞人白髮公。山窮借看堂中画。花

盡來尋竹主人。穿窈窕來憑拄杖。可盤桓處藉闌干。

洗開山色雲生浪。鍊出秋容樹轉丹。頭衰要雪消難

得。山缺教雲補不妨。傳公得余詩画失去重補算春已及一百五。問

老今慙七十三。桑戶日長蠶足食。竹堂風暖燕交談。

山雨乍來茆溜細。谿雲欲墮竹稍低。簷頭故壘雌雄燕。

籬脚秋蟲子母鷄。觀生如寄誰非客。視死爲歸此是

家。鶴表虛名待誰錄。狐丘宿約與妻偕。四句埋墳款有杯

盤及奴輩話。因門戶惜丁男。欲博晏眠高着枕。便圖

老眼大抄書。屋須矮小茆須厚。窓要清虛竹要疎。

着味笑堪陪座客。劉分癡好作家翁。耳語意精快。宋人每家可得二三聯。啓南全篇可得二十餘首。當在宋人之上。

啓南傳馮元成詳言之。門下學詩學畫者皆一時盛名之士。如都玄敬。文徵仲。唐伯虎等。故其名最著。然後人所慕。如落花等。但得其膚淺耳。於精快處無一語也。觀其摘句當知之。

王元美云。成弘之際。頗有俊民。稍見一斑。號爲巨擘。然趨不及古。中道便止。搜不入深。遇境隨就。卽事分題。一惟拙速。和章累押。無患才多。北地矯之。獻信陽嗣起。仲昌

言詩集卷之二
穀上翼庭實下毘敦古昉自建安揆華止於三謝長歌
取裁李杜近體定軌開元天地再闢日月爲朗詎不美
哉。

世之論李何者莫不謂獻吉不曉獻吉五言古粗率不純卽漢魏六朝李杜靡所不
有而相肖者無幾信爲倣輩若歌行雖學子美而馳騁
縱橫實有過之又未可以言倣輩也仲默五七言古信
多捨後於國朝諸子不足當其下駟而七言律則元
瑞所謂溫雅和平動合規矩者也蓋獻吉山斗一代實
在歌行而仲默冠冕諸公實在七言律耳或選何歌行

篇什與李相等。選李七言律篇什與何相等。是全不知詩者。

樂府五七言雜言有自由機軸者有摹擬相肖者。獻吉李夢

陽則兩失之。元美謂獻吉樂府自魏而後有逼真者直夢語耳。

歌行本於離騷。獻吉熟於騷。其歌行妙處皆得於騷。于鱗於騷學實踈。故歌行無一可采。獻吉歌行入錄者。紆回隱約有餘不盡。短篇嚴緊精鍊不雜一常語。此國朝

諸公所無。長篇體雖縱橫而意實渾涵。實兼李杜所長。

與論李杜不同。其不及李杜者則累語累字爲多。而全

集益見蒼莽也。漢京篇楊花篇去婦詞專學初唐附見本體之後。

獻吉五言律入錄者僅十之一。然於初唐子美得其神髓。惜不免有玷缺者。元美刻意摹杜兼愛初唐實未有一語也。

獻吉七言律入錄者益少。然氣格蒼古本乎自然。非矯強可到。若全集則有生句。稚句。庸句。鄙句。其鹵莽率意近於學究者有之。國朝諸公論詩多貴耳賤目。惟元美庶爲有見。至論獻吉七言律亦貴耳賤目矣。

獻吉五七言律絕於朝廷郊廟邊塞諸作則工於山林

田野間適諸詩則抽葢才性各有所宜若李杜則無不

兼善矣七言絕帝京篇郊祀歌等氣格本乎李杜惜未盡工

何仲默名景明五言古初年學唐短篇間有相近既而學漢

魏寶疎樂府雜言七言出於兩漢者為離出於六朝唐

人者間有可采中用韻多兩句一轉非樂府本色歌行

才力遠遜獻吉而亦未升高岑之堂間有入錄者亦不

盡合元美謂獻吉包徐孕何是也

仲默袁海叟集序云景明自為舉子歷宦十年日覺所學

非是李杜歌行近體誠有可法而古作尚有離去漢魏李杜

各極其至說見前集李杜論中景明學歌行近體有取二家旁及初盛

古作必從漢魏求之。雖迄今一未有得而執以自信弗

敢有奪。愚按此論雖於李杜古詩有不相契。然與前捨

筏之說。見前集總論及所云子美歌行不及初唐。見前集李

杜論第十一則意甚相反。蓋此言自爲舉子。歷宦十年。乃三十

以後言。而前所云。則三十以前見也。然集中五言古學

漢魏。實疎歌行。較李杜。又自迴絕。蓋仲默轉想雖切。而

資性實遠。終未有一得耳。至年三十九而卒。惜哉。

楊用修云。仲默枕藉杜詩。其於六朝初唐。未數數也。與予

及薛君采言。及六朝初唐。始恍然自失。乃作明月流螢

二篇擬之。予謂詩先體製。而後氣格。仲默冒穀君采用

修諸人多學六朝初唐似過而實不及也。

王元美論李何諸子云。長歌取裁李杜。近體定軌開元。天地再闢。日月爲朗。此見元美及李何諸子所見所造皆歸於正。薛君采楊用修工於六朝初唐。又自以導仲默爲功。予謂薛楊二子實爲禍首。然仲默入初唐止七言古一體而他則未嘗入也。獻吉元美亦有六朝初唐實以備衆體耳。非有意學之也。

仲默五言律全集太弱。元美謂不能諱其孱是也。然入錄者多出盛唐子美。

仲默七言律風體不一。入錄者多出盛唐子美亦有出

大曆者。餘雖稍弱。無不可觀。當爲國朝七言律第一。

蓋于鱗雖高壯雄麗。不免銼穎太露耳。獻吉駁仲默書云。仲默詩如搏沙弄泥。散而不瑩。又云。君詩結語太拙。易七言律與絕句更不成篇。亦寡音節。此論一一相反。豈以仲默論其詩色澹黯而中理披慢。讀之若搖輶鐸。獻吉心有不服。而故爲是以詆之耶。

子美七言律尚有稚語累語。仲默學杜。雖氣格稍遜。而純美勝之。故仲默五七言律及獻吉五言律皆子美嫡嗣也。

王敬夫嘗言獻吉改正予詩者。稿今尚在。惟仲默諸君子

亦獻吉有以發之。至其漫興詩則云。仲默親從獻吉遊。高才妙悟。孰能儔。寧獨老夫堪下拜。卽教獻吉也。低頭。蓋仲默才力本不及獻吉。而五七言律精純秀美。實爲勝之。此蓋服其精純秀美耳。

徐昌穀

名禎卿

迪功集

樂府雜言

繁舞歌

閨闔行

猛虎行

宛

爾西京而語無盜襲。當在于鱗之上。獻吉以下勿論也。
[五言律]興象玲瓏。風神超邁。乃盛唐化境。元美。元瑞俱不相契。
[七言律]出於子美。
[變]者在獻吉諸子之上。獻吉序昌穀集云。守而未化。故蹊徑存焉。元美謂昌穀所未至者。大也。非化也。世以王爲篤論。然元美又謂昌穀咀

六朝之精旨。采初唐之妙則律體微乖。整栗亦是浩然
太白之遺。則元美之所謂化者。意在古詩排律。而不在
五言律也。則獻吉未爲失言。而元美反爲大戾矣。敬美
極推服昌穀及高子業。五言律謂更于百年。李何尚有
廢興。二君必無絕響。可謂知言。

徐昌穀少年文匠。齊梁詩沿晚季。所著有鸚鵡編。焦桐集。
花間集。野興集。自慚集。大要淺稚鄙俗。焦桐則盡入惡
陋。鸚鵡畧有可觀。逮舉進士。見獻吉。始大悔。改其所爲。
今迪功集僅一百九十首。乃其自選後作。而前詩一無
取焉。後皇甫氏爲刻外集。袁氏爲刻五集。元美謂如舞

陽絳灌既貴後爲人稱其屠狗吹簫以爲佳事寧不泚
頽愚按獻吉元美茂秦諸公不能精自嚴選使後人指
摘瑕疵乃自失之季廸昌穀能自嚴選而淺鄙之夫必
欲盡彰其短良可痛恨一公有知當切齒九原矣

邊庭實

名貢

五言古語多錯出出漢魏者較于鱗則爲淺易

樂府雜言格新調婉惜變化差少然以意爲主而不以
格爲主也五言律多出子美盛唐七言律和韻最多下
者有同學究入錄者冠冕整秩而兼有氣格其工處較
五言爲勝元美稱五言勝七言以全集論也七言絕迎
鑾曲凱歌等出於太白永王東巡歌上皇西巡歌較獻

吉帝京郊祀完美過之當為傑作。

胡元瑞云弘正並推邊何徐李每怪邊品第懸遠胡得此

稱及細閱當時諸家仲鳧戴冠德涵康海敬夫王九思子衡王廷

相詩皆非長華玉顧璘繼之鄭善登升之朱應士選熊翥或

調正格卑或格高調僻獨邊視諸人差為諧合不得不

爾愚按此論五七言律也不惟於庭實有當而於諸子

亦見其大畧矣。

王敬夫

名九思

全集多不可觀即入錄者非竄易一兩字不

可七言律纂多學杜較景文得杜之正然不免稍為束

縛。

王敬夫自序云。予始爲翰林時。詩學靡麗。文體萎弱。其後德涵獻吉導予易其習焉。獻吉改正予詩者。稿今尚在也。而文由德涵改正者尤多。愚每讀此序。未嘗不斂衽歎服。今人一登科第。卽恥言受學。旣入翰苑。則文衡在我矣。敬夫謙而受益。卑不可踰。卒與康李先後並驅。宜矣。獻吉名高一代。亦述王叔武相發之言。何能損其萬一。適足益其美譽耳。

高子業

名叔武

五言古或出太康亦有出於應物者。七言古

間得數篇殊不爲工。五言律多出摩詰。王敬美極稱之。然全集多生字生句。卽入錄者亦畧見之。蓋欲以此見

風格耳。此是不及目穀處。予嘗以全集觀。輒欲棄去。最後刪錄。不忍釋手。故知弘正諸子之詩。非選錄不可。

弘正諸子觀諸家序列不同。則知李何徐邊而外。無定名也

薛君采

名惠

與何默唱酬爲多

樂府有

三言四言雜

言較諸子雖勝。而適用者少。予嘗謂諸家集有樂府三言四言雜言者。爲店眼物。惟于鱗專習擬古。故爲獨工。君采五言古視弘正諸子。足爲吐氣。然平生耽於六朝。故於宋齊以後多工。漢魏以下亦能彷彿。而唐古則未嘗爲也。

君采七言歌行。元夕篇。燕歌行等。出於初唐。而元夕最工。

君采五言律集中前半截爲工後半截爲劣中有出初盛者而初唐爲工七言律有出子美者然於沉雄渾厚處無一語也七言絕如涼州詞塞下曲皇帝行幸南京歌海上雜歌遠游曲可繼獻吉庭實至學子美變體則入錄者少

楊用修名慎詩多填故實而訛字復多入錄者則取明顯也薛君采序其詩言才與學元美謂用修如暴富兒郎銅山金埒俱可見矣予嘗謂用修騁博元美誇多然元美深貶用修而陰法之又不可不知

用修五言古學漢魏者亦能稍變然學齊梁以後者爲最工

胡元瑞謂清新綺縟獨掇六朝之秀是也。

用修七言古多出齊梁初盛而初唐尤工。

用修五言律多出初唐七言律多用杜語後半截似多流麗其俊亮高華者已啓七子之調但不若七子之精工耳。餘篇亦無弱調變體最工。

李于鱗

名攀龍

樂府五言及

五言古

多出漢魏世或厭其摹

倣然漢魏樂府五言及五言古自六朝唐宋以來體製

音調後世邈不可得而惟于鱗得其神髓自非專詣者不能至於摹倣餽飣或不能無而變化自得者亦頗有之若其語不盡變則自不容變耳語變則非漢魏矣所

可議者。於古樂府及十九首。蘇李錄別以下。篇篇擬之。殆無遺什。觀者不能不厭耳。

于鱗學漢魏。蓋於六朝及唐體古詩。初未嘗習。逮予告而歸。始差次古樂府。及十九首錄別以下諸詩。擬之而盡力於漢魏。是于鱗學古。初無所染。又能專習凝領漸漬歲月。故遂得其神髓耳。王元美云。西京建安。似非琢磨可到。要在專習凝領之久。神與境會。忽然而來。渾然而就。無岐綬可尋。無色聲可指。元瑞亦言。兩漢詩非苦思力索所辦。當盡取其詩。玩習疑會。風氣性情。纖屑具領。若楚大夫才。身處莊嶽。庶幾齊語。試觀于鱗學古。則二

子之言信有徵也。

擬古惟于鱗最長。如塘上行本辭云。念君常苦悲。夜夜不能寐。莫以賢豪故。棄捐素所愛。莫以魚肉賤。棄捐葱與薤。莫以麻枲賤。棄捐管與蒯。于鱗則云。念妾平生時。豈謂有中路。新人斷流黃。故人斷紈素。新人種蘭若。故人種桂樹。新人操陽春。故人操白露。格倣本辭。而語能變化。最爲可法。若相逢行。中添一二段。格雖稍變。然宛爾西京。自非大手。不能譬如臨古人。画中。間稍添樹石。亦是作手。惟陌上桑。但畧換字句。則甚無謂耳。

于鱗**擬古樂府雜言七言**語或逼真。復有得於擬議之外。

者七言古聲調全乖無一語合作予嘗謂七言古仲默無篇于鱗無句黃介子謂此語無人能道。

于鱗七言律冠冕雄壯俊亮高華直欲逼唐人而上之其俊亮處或有近晚唐者餘子亦然然二十篇而外句意多同故後人往往相詆然唐人七言律李頎諸公僅得數篇尚足不朽于鱗嚴選可得二十餘篇顧不足以傳後耶但後進初學志尚奇僻於其高華雄壯處實不相投故託之溫雅以抑其雄壯託之清淡以抑其高華既未足以壓服人心則直以句意多同并乾坤日月紫氣黃金等字責之矣如自許鐵冠衝瘴癘兼攜白筆掃風

霜彈葦氣借山河壯。執法秋臨節鉞寒。白日自流荒
徼外。青山不盡夜郎西。百粵大雲搖海色。九峯寒雨
壯秋陰。千乘旌旗分羽衛。九河春色護樓船。騰裝
殺氣三江合。吹角長風萬里生。鼓角疑從天上落。輶
車真自日邊來。地拆黃河趨碣石。天廻紫塞抱長安。
山連大陸蟠三晉。水劃中原散九河。蒼龍半挂秦
川雨。石馬長嘶漢苑風。大壑秋陰生蜃氣。扶桑日色
照樓臺。巴山漸出雲連楚。劍閣廻看雪照秦。千峯
曙色開金掌。並馬寒光照錦袍。漳河雨雪褰帷黑。大
漠風塵燧火青。青樽夜倒滹沱月。紫馬秋嘶大陸雲。

黛色總疑天目雨寒聲不辨浙江潮

九里松

等句冠冕

雄壯者也。但較之獻吉則着意買勇耳。五言律體雖宏大而警絕者少。間有俊語。乃七言賸餘。七言絕入錄者較律聲調雖同。而意實寬裕。足配龍標。

于鱗七言律冠冕雄壯。誠足凌跨百代。然不能不起後進之疑者。以其不能盡變也。唐人五七言律李杜勿論。卽王孟諸子。莫不因題製體。遇境生情。于鱗先意定格。一以冠冕雄壯爲主。故不惟調多一律。而句意亦每每相同。元美謂守其俊語。不輕變化。是也。然或厭其一律而錄其別調。則又失其所長。非復本相矣。餘子亦然。

世多稱獻吉倣顰于鱗倣古予謂國朝人詩惟二子可

稱自立門戶如獻吉七言古于鱗七言律是也蓋詩之

門戶前人既已盡開後人但七分宗古三分自創便可

成家中郎一派僅拾唐末五代涕唾詳見五代論末今人不知

以爲自立門戶耳

七子總論見梁公實論後

元美論同列詩每多過譽而于鱗又所深服然細詳諸說多是貶詞而無譽言李諸體歌行最劣反不免過譽矣

王元美

名世貞

四部稿前後集共四百五十四卷古今文集

未有若是之多者竊謂劉向張華學稱博矣而著述未嘗多太白子美詩稱工矣而文章未嘗富今元美詩數

倍於李杜。文數倍於韓蘇。且於天地人物文章政事釋老九流。以及書畫工技靡所不通而侈言之。此勢之必不能兼。而理之必不能精者。但其陵轢中原氣蓋一世。又能獎借後生。後生出其門者。皆一時之傑。咸以謂詩兼李杜。文勝韓蘇。古今集大成者。一人而已。後人何敢措一喙焉。

元美識超一代。力敵萬人。有兼功而無專力。總諸體而論樂府變數篇。可稱詣極。五言古選體最劣。唐體稍勝。變體及學東坡者。多有可觀。歌行六朝唐宋靡所不有。而入錄者不能什一。中雖有奇偉之作。而純全者少。變體

詩法卷之二
始多全作。五言律僅得百中之一。而實非本相。七言律意在宗杜。又欲兼總諸家。然臃腫支離。復多深晦。晚唐奇醜者亦往往見之。此英雄欺人耳。

元美五七言古變體常勝。蓋元美爲詩。多得於倉卒。寡訓練之功。故正體每多累字累句。變體則乘興而就。反多完美耳。

元美七言律凡一千五百五十八首。可采者僅百中一二。而字句尚或有累。元美謂于鱗七言律三首而外。不耐雷同。又謂謝茂秦興寄小薄。變化差少。豈自謂其獨能變化耶。甚矣責已太恕。責人太嚴也。

大白斗酒詩百篇。故其語俊逸而高暢。子美語不驚人死不休。故其語奇拔而沉雄。元美七言律意在宗杜而恒以倉卒得之。宜其支離愈甚也。

盛名最易誤人。獻吉元美七言律讀者不敢少貶。此信耳也。作者不復自疑。此信人也。信人者。時一見之。信耳者。天下皆是也。然獻吉之鹵莽率意。昧於杜之變。元美之支離深晦。昧於杜之奇。於奇變皆無所得也。

元美稿凡片紙隻字不棄。蓋欲以多爲勝。或以爲言。公云。秀美者。固吾子。禿髮癬疥者。亦吾子也。終不復刪。其詩野夫興就不復刪。大海迴風生紫瀾。蓋其意本如是耳。

宗子相

名臣

五言古多出漢魏較于鱗精純不如而才力則

勝庭實七言古短篇多類太白於諸體爲優長篇如二

華金山廬山頗多奇縱而怪誕處則似任華盧仝此不

善用其才者五七言律意在匠心故不成語者多入錄

者僅十之一而多非本相七言律變體爲勝

元美言子相從吳生論詩不勝覆酒孟嚙之裂歸而淫思
竟日夕至嘔血又言子相詩足無憾於法乃往往屈法
而伸其才云云愚謂子相覆孟嚙裂有不自安意淫思
至嘔血乃求通而入也其合作者未必不因悔愴而得

若今之趨異弔詭者則傲然自信。豈復能嚙孟嘔血耶。
謝茂秦名榛全集諸體共二千三百五十九首。乃趙王府所
刻。盡搜生平所作而裒集之。應酬者十居四五。最爲冗
穢。要多初稿未竄定者。

茂秦五言律淺稚者十之三。生澀者十之二。入錄者高壯
雄麗爲諸子冠。如風雲隨鳳輦。日月動龍袍。黃沙連
塞近。黑水入荒流。日翻龍窟動。風掃鴈沙平。亂山
通驛道。殘日照邊樓。雲出三邊外。風生萬馬間。旌
旗搖海月。笳鼓振邊風。鴈逐邊聲起。鯨翻海色來。
草枯馳馬地。霜冷射鵬天。塞日嘶天馬。邊風落皂鵬。

海月窺龍劍。沙雲接鴈山。城連岱雲起。地接海天
浮。等句。皆高壯雄麗者也。至如舊館殘孤燭。秋原老
百蟲。

落葉全疑雨。

明河半隔雲。

倚杖海天近。聽泉

雲壑重。

潭龍乘月色。山鬼傍松陰。

聽兒彈琴

鉢孟知舊物。

鐘磬會餘音。

僧

風飄五更笛。月照萬家霜。

等句。則又

沉深而有餘韻。

排律

采錄可得三十餘篇。氣格雄渾。足

配初唐實

國朝諸家所無。

茂秦七言律。淺稚者十之二。生澀者十之四。入錄者冠冕

雄壯。足繼于鱗。如胡虜幾窺青海戍。烽煙又上白登臺。

画角悲涼孤館夜。黃榆搖落九邊秋。

天橫落照明。

孤壘地入窮荒接萬山。黃河蕩日寒聲轉。高嶽連空
遠色開。胡笳遙動黃雲暮。塞馬長嘶白草秋。雨過
羊城春浩浩。雲連鯨海夕冥冥。大野暝煙沉漢壘。亂
山秋雨滯戎衣。笳吹夜月軍門靜。劍倚秋天虜障空。
蒲海風聲連鼓角。蔥山雲色亂旌旗。北望雲開燕
道路。中原天劃晉河山。漢關晴雲低抱樹。海門涼月
半浮天。居庸北去胡霜下。碣石東臨海日寒。馬經
滹水魚龍避。霜下恒山道路清。路出三吳兵火後。帆
歸百粵海雲邊。能驅瘴癘霜威遠。直壓波濤海勢平。
天開鳥道三秦外。地入蠶叢萬井西。塞門列陣山

雲合幕府聽笳。海月懸秦雲曉度三川水。蜀道春通
萬里橋。地出三峯雄陝服。天分八水雜秦聲。平地
波濤吞澗谷。極天雲霧失峯巒。等句。皆冠冕雄壯者
也。至如秋草空迷長樂苑。夕陽猶傍集靈臺。湘鴈晚
低彭蠡澤。楚雲春澹豫章天。曇雲不作空山雨。祇樹
還生象外花。海上有雲連蜃氣。嶺南無雪到梅花。
楚棹正逢歸塞鴈。漢雲遙送渡江人。月明綠酒當年
共。秋老黃花近賞違。宮中燭映西山雪。笛裏梅傳上
國春。雲間不辨銀河色。樓外空傳玉笛聲。光臨鳳
闕清鐘斷。寒入龍庭画角悲。秋月早朝尚憶嘶風去。夜醉

猶憐踏月回

悼馬

等句。則聲調和平。較于鱗格稍能變。變

體四首。在諸子之上。七言絕十餘首。可配龍標。大抵七

子之詩。以才氣勝。至鍛鍊之功。則讓茂秦。但多工句而

不工篇。故高壯者。或未融洽耳。此七子所以讓仲默也。

嚴滄浪云。唐人好詩。多是征戍遷謫。行旅離別之作。往往

能感動激發人意。愚按茂秦五七言律絕。其妙處正在

於此。今人不惟厭其詩。且厭其題矣。

茂秦詩說云。能寫眼前之景。須半生半熟。方見作手。嘗與

盧次楨論詩。盧云。格貴雄渾。句宜自然。吾子何其太苦。

恐刻削有傷元氣。今觀其集中多生澀語。正盧所謂刻。

削有傷元氣者也。又其詩云。詩緣老後格逾健。今考其
淺稚者。多少年作。生澀者。實晚年作。豈識見不足以生
澀爲格健耶。觀其論李長吉詩。便是其悟頭差處。見總論茂

秦詩
說中

傳稱茂秦初學詩。冥搜苦索。至徹日夜不寐。抵面見客語
倭倭若騖人。終席不省客。所謂何或偶觸堅壁。跌足下
坑塹。不覺也。以是詩益工。陳王叔云。大都山人平生以
身爲易盡。而無以累之。以名爲不朽。而無以奪之。窮極
而思工。思工而語至。已上王叔語今於其淺稚生澀者。痛加
刪削。實欲成其後世之名耳。

徐子與

名中行

七言律才氣豪邁較明卿和平處雖少而光

燄崢嶸勝之元美稱其宏麗悲壯讀之令人神聳是也

但雷同處過于鱗如樓船迴自三江下玉帛還當萬國

先

送羅大參自滇南先期入賀萬壽

九衢避馬風霜舊三殿飛龍日月

新風雲六傳從天下鼓角千群出塞行強虜千群

俘馘盡將軍五道凱歌歸記室半傾天下士戈船曾

繫日南王一上岱宗歌郢調遂令東海失齊風

元美備兵

東憲府秋開千徼月樓船南盡百蠻天山天南氣色高

銅柱日下聲名壯鐵冠噓氣何勞驚日月排空忽自

壯風雷

渡淮大風

盤江明月千山出衡嶽浮雲一日開雲

夢火明秋校獵蘭臺風起晝披襟 驄馬曉從三殿出

虬峯秋映九江寒 高秋落木千江下天闊寒雲七澤

來 獵獵悲風連九塞蒼蒼秋色徧諸陵 百蠻天隔

盤江雨萬里秋生日觀峯 風雲自鬱千秋色星斗常

寒百粵天 秋陰曉散千帆雨海色晴連萬里潮 王

氣却連玄武署鈞天猶振洞庭湖

元美自鄖臺拜留京廷尉

一日星

辰分五嶽十年風雨滯雙龍 萬里戈船歸百粵九關

芻粟轉三河 等句皆冠冕雄壯足繼于鱗者也其他

用事屬對極爲精切

或問予元瑞云今人於登臨則必名其泉石燕集則必紀

其園林寄贈。則必傳其姓字。最詩家下乘小道。子與精切。無亦類是乎。曰。論古今人詩各異。在唐人已有不免者。學者苟不得其氣格神韻。而拘拘於此。是爲下乘小道。苟得其氣格神韻。而復如此精切。奚不可也。

子與交歡于鱗元美。遂取舊草焚之。自是詩非開元文非東西京。母述此。正與昌穀見獻吉。改其所爲相似。二徐捨已從人。卒能方駕二李。今人溺於偏褻。而反於雅正者。曠之欲垂名後世。難矣。

吳明卿

名國倫

七言律

多冠冕雄麗足繼于鱗

如赤縣五雲開北極。黃河萬里劃中州。胡笳暮

咽三城戍。漢節秋清。九塞塵。七澤春深。飛彩鷁。百蠻
天盡躍青驄。橫戈已壯吞胡氣。按轡新成出塞詞。
吳雲晝擁黃金甲。漢日秋懸白馬盟。萬馬忽乘青海
戍。六師翻困白登圍。霜下薊門天黯澹。虹垂碣石晝
陰森。鄉心苦被蠻雲結。客淚遙含海色來。浪擁帆
檣天際亂。星蟠吳楚鏡中分。江合百川爭赴海。山蟠
一柱上撐天。胡吞九水浮天闊。地擁三巴入鏡來。
千帆雨色當窓過。萬里江聲動地來。明月萬家機杼
恨。黃雲四塞鼓鼙哀。風吹華髮乾坤短。天坼黃河日
夜流。橋石似從洹水駕。林煙欲撲太行飛。天寒霧

白蠻王壘。日落江清。帝子樓。雙流夾郡。風雷走萬嶺。
蟠空日月垂。十年瘴海波初定。八月星槎使正還。
等句。皆冠冕雄壯。然以全集觀。聲調較諸子稍婉。至如
仙梵杳從空翠落。亂帆紛挂野雲飄。風生錦障吹陰
雪花簇瓊筵。駐夕暉。一自風塵捐駿骨。翻從湖海問
龍顏。寓直桐陰清左掖。退朝香霧鬱西山。山氣作
雲蒸宿暑。溪聲帶雨咽新秋。谿聲暗咽秦時雨。村落
仍遺晉代風。酒船歌舞縱橫入。沙磧鳬鷗斷續逢。
新營石室藏金粟。小引溪流灌白蓮。等句。則聲調和
平者也。

明卿七言律全集實多未穩亦有生澀如茂秦者元美稱其首尾勻稱官商律諧情景相配敬美亦言他人多於高處失穩明卿多於穩處藏高蓋指其入選者言之。

梁公實

名有譽

諸體較諸子爲少而入錄者多疑後人刪選

七言古亦較諸子爲勝但未盡工耳。

公實七言律如上谷風塵通大漠居庸紫翠落層巒。北
海波濤三島近西山樓閣五雲凝。青海月明胡馬動
黃榆風急皂鵬寒。坐令鳴鏑侵周甸。不見封泥守漢
關。龍沙旌閃胡塵斷。鹿塞笳鳴漢月流。狐塞天低
橫殺氣。鴈山秋早動邊聲。天闊高臺招駿去。風生大

漢射鵬來。人間漫憶衝星劍。海上虛留貫月槎。接
塞戰塵天外黑。隔城山色雨中青。千峯涼雨窓前急。
萬壑驚濤樹杪來。南國梯航催貢賦。中原戰鬪憶提
戈。西山雲霧開黃甸。北闕星辰護紫微。西山雷起
蛟龍鬪。北極雲垂海嶽昏。戰後關山生暝色。雨餘城
闕淡秋陰。共懸霄漢乘槎興。忽動江湖擊節情。孤
城海氣霾寒日。萬壑鐘聲出暝煙。等句皆冠冕雄壯
足繼于鱗者也。然入錄雖多。全篇則不如諸子爲工。至
如澗泉雜雨鳴山閣。空翠因風濕客冠。下榻微風吹
石壁。當歌明月出江雲。林藏宿雨諸溪漲。峽束長江

萬木低。誰家笛弄千山月。半夜烏啼萬樹霜。石樓
積翠臨滄海。鐵柱飛泉落紫虛。海上斷雲秋漠漠。天
邊落木歲陰陰。村前花逐諸溪水。雨後人耕滿壑雲。
野煙細透盧敖杖。夜雪難乘剡曲舟。石牀雲滿無
人掃。山笥書成只獨看。葉聲四起催山雨。澗溜斜分
到石池。等句皆聲調和平而有氣格。出明卿之上。較
諸家爲多。

胡元瑞云。七言律。開元之後。便到嘉靖。雖圭角巉巖。鉅穎
峭厲。視唐人性情風致。尚自不作。而碩大高華。精深奇
絕。人驅上駟。家握連城。名篇傑作。布滿區宇。古今七言

律之盛極於此矣。愚按元瑞此論。於于鱗諸子。最爲公平。且字字精切。無容擬議。今人第以其語意多同。并多用乾坤日月等字。遂并其高處棄之。此雖識性淺鄙。抑亦袁氏之說中之也。

以下三則總論七子之詩

嘉靖七子七言律。碩大高華。精深奇絕。譬之吾儒。乃是正大高明之域。今之宗中郎者。視之不啻寇讐。學者苟有志於反正。正當以此砥礪。苟能於此編時時諷詠。開拓其心胸。使齷齪鄙吝之念盡消。則邪氣自不容入矣。予嘗謂嘉靖七子之律。氣象籠蓋千古。惟溫雅和平稍乖。不能不遜弘正諸子耳。

詩之碩大高華。譬食味之有牢牲。享宴之品雖衆。然必以牢牲爲先。胡元瑞謂詩富碩。則格調易高。清空則體氣易弱。是也。七子七言律。碩大高華者多。而溫雅和平者少。祇是不能通變。今之宗中郎者。於七子之語而盡黜之。是猶享宴而盡廢牢牲也。不惟失體。且不知正味矣。李本寧學唐太過之說。見盛唐總論實爲七子藥石。

屠長卿

名隆

三集多出於倉卒。卽入錄者。非竄易一二字。不

可。五言古。白榆悉學青蓮。

田拳歌行

出初唐者最工。明月篇初讀仲默。覺甚工麗。及

讀長卿。覺仲默稍爲雜亂。而工麗亦有弗如。蓋長卿才

力實勝仲默耳。栖真恣意傾倒。畧無含蓄。贈宋伯靈贈
盧子明。孫公子席上放歌。亦皆傑作。贈宋伯靈。二句
雖佳。但前後相接。調實不穩。宜刪。又孫生有言。天許作
閒人。佛容爲弟子。頗類任華。刪去四字。無害。贈盧子明
長句太多。刪去數字。孫公子席上歌。前段有似樂天。易
之爲妙。白榆豪邁。悉似青蓮。極才人之致。中如薊門行
太白。酒樓聽武生歌。畫洞庭。畫錢塘。頗稱奇偉。然太白
酒樓宜刪二句。聽武生歌。宜刪四句。不錄者不論。

長卿古詩歌行。才具瀾翻。傾倒過於李廴。又轉韻者多於
意不盡處轉之。此見錯綜之妙。非有力者不能。但以全

集觀恣意淋漓字句既多未妥。而音調亦有不諧。詳鮑照論

及錢劉

論註中

長卿七言律入錄者皆中晚之調。中亦有晚唐俊調不當與七子並論。然亦從七子之變也。知此則可以觀百穀矣。

嘗讀長卿逍遙子等賦。長者一千餘言。短者亦及千言。體裁甚工。而字句穩妥。至其古律諸詩。則信手落筆。完善者少。蓋惟諸賦稍爲着意。詩則任情自恣耳。何三畏作君傳。言每見其伸紙揮毫。千萬言頃刻立就。其得於倉卒可知。惟初唐歌行稍稱完善者。初唐歌行非倉卒可

辦也。

王百穀

名釋登

刻集二十一種餘六種無詩。公年幾八十。今

自燕市以後五十年間僅十六年有詩。故知遺稿尚多也。

百穀才力不逮長卿。而五言律則百穀爲優。有自出巧思。而實爲中唐者。諸集則荆溪入錄爲多。

百穀七言律。燕市諸作。尚有類七子者。乃是題偶相近耳。以下多晚唐俊調。極醒心目。嘗見公手書。此類甚多。蓋五十以後作。今稿中多不載。固知所遺甚多。因取陳壘山所抄。并他所見。采錄補之。

七言律于鱗高調本出初盛然讀于鱗詩遂欲廢初盛百
穀俊調本出晚唐然讀百穀詩遂欲廢晚唐然于鱗實
不及初盛說見于鱗詩中而百穀則實勝晚唐也

百穀律詩五言如是泉皆作瀑何草不爲蘭七言如山上
杜鵑花是鳥墓前翁仲石爲人等句乃其最下乘今少
年指爲百穀之體而效之其謬甚矣

何无咎

名白

寄予汲古堂集時年六十有九云十五年前因

抽草散逸過多遂爾災木蓋五十五已前作也李本寧
序謂兼吳人王承父葉茂長曹子念方仲美俞羨長五
子所長信然然析而論之古律則古爲勝古則七言爲

勝五七言古中多元和宋人體殊不爲工。

无咎五言古入錄者。漢魏以下與靈運爲勝。惟唐古爲劣。但平韻者。上句第五字多用仄。卽沈休文上尾之說。仄韻者。上句第五字多用平。出於薩天錫諸公。用修熟於齊梁。故有此病。无咎不宜踵此。

无咎七言歌行才情小讓長卿。而完善多。予嘗評其歌行在獻吉之下。李廸之上。然皆極意馳騁。其所以不及獻吉者。正在馳騁也。但仄韻上句第七字多用平。自是大病。

无咎五言律入錄者。氣格不薄。如飛鳥動曉光。盈盈曲房。

下。春風動簾額。雖出齊梁而純美勝之。其他多初唐句。蓋其氣淳厚。出語自類。非有意爲之也。**七言律入錄者**。**氣格亦類初盛。但化機不足耳。**

徐仲昭序余詩云。近來談詩者。各宗近派。至訓故俳調隱語。方言橫見。雜出。稍以古法相繩。輒曰。吾自有詩。何能取落花黏枝。賸羹佐鼎。雖然。終不能無所取。獨惜其不善取。古今自有全材。而顧取其偏者。自有正氣。而顧取其餒者。自有定格。而顧取其離者。凡過目入耳之聲色。皆足供吾恣取。而聲顧取其陰者。色顧取其黯者。吾自有必至之情。必盡之致。而顧取其不情者。無致者。以此

嘐嘐號於人曰能詩吾不知也則宛似中郎諸子

與總論三

十四卷學者於詩或欲爲六朝晚唐一則參看

袁中郎鍾伯敬譚友夏詩別論

此書六朝中可摘並而不必摘也

此書大抵俱佳但摘句中必及古詩如為未
不見字法自漢魏以至有唐法大家莫不皆然
四家後亦有律等以律論法大家中亦不可不
此公論詩窮源溯以可謂集詩家之大成矣
也豈止名位之顯抑或此書極成後當天
殘後耶嗚呼若先生之詩不傳先生之書不傳
三嘆 甲辰中秋前五日知州偶書

要夫章法之妙不見句法句法之妙

上朝中古律漸衰然當時古律未分五

倫況古律即誠以賢能也竊怪國初諸鉅公議論及何

下多事時未甚即行共火變後詩

古今素隱隱不彰者何可然